

Pengurusan Pelabuhan

Kemudahan Pelabuhan

- Menyediakan pegawai terlatih untuk mengendalikan urusan perdagangan.
- Membekalkan barang yang diperlukan oleh pedagang seperti lada hitam dan rempah-ratus.
- Menyediakan gudang bawah tanah bagi menyimpan barang dagangan dan mengelakkan kebakaran.

Urusan Jual Beli

- Perdagangan yang dijalankan secara tukar barang dan menggunakan mata wang.
- Sultan Alauddin Riayat Shah I memperkenalkan mata wang emas (mas), wang perak (kupang), dan wang timah (katun).
- Pada akhir abad ke-18, mata wang asing digunakan seperti Dolar Sepanyol, Dolar Mexico, dan duit Belanda.
- Syahbandar bertanggungjawab menguruskan sistem jual beli, kutipan cukai pelabuhan, serta menetapkan ukuran dan berat timbangan barangan.

Sistem Naungan

- Pedagang luar dan pedagang tempatan mendapat naungan daripada Bendahara, Temenggung, Laksamana, dan Raja Indera Bongsu.
- Berdasarkan sistem naungan, sebahagian hasil keuntungan diberikan kepada pihak yang memberikan naungan dalam bentuk cukai perdagangan.
- Melalui sistem naungan, pedagang mudah mendapatkan surat kebenaran daripada Belanda untuk belayar dengan bebas di Selat Melaka.

Peranan Orang Laut

- Orang Laut berperanan sebagai pengawal pelabuhan, penunda kapal dagang, dan penunjuk arah.
- Mereka menjadi pengawal di perairan Johor dan Selat Melaka serta menjadi tentera laut bagi mengawal keselamatan Kesultanan Johor Riau.

Kemudahan Membaiki dan Membina Kapal

- Pelabuhan Johor mempunyai kemudahan membaiki dan membina kapal bersaiz kecil.
- Orang Laut mahir membuat kapal pesisir pantai seperti kolek, banteng, penjajap, balok, dan pencalang.